



學部審定

中學堂用  
師範學堂

中國歷史教科書

上海商務印書館印行

# 地方自治淺說

陽湖孟森編米定價三角

地方自治爲今日急務  
惟東西譯本每苦與吾  
國各地方現行習慣不  
合是書舉外國現行之  
制合之吾國省廳州縣  
坊廂鄉圖現在所行之  
事參考比附斟酌損益  
語語可見實行讀之可  
知地方自治爲吾今日  
人才財力所優爲特在  
轉移得其道耳

商務印書館米戊申出版

第二十一號

## A Text-Book on Chinese History

for Common Schools.

COMMERCIAL PRESS, LTD.

宣統元年三月初版

(中國歷史教科書一册)  
(每册定價大洋壹元)

編纂者 丹徒陳慶年

發行者 商務印書館

印刷所 上海北河南路北首寶山路  
商務印書館

總發行所 上海棋盤街中市  
商務印書館

分售處 京師 奉天 天津 開封 漢口  
重慶 成都 廣州 福州 長沙  
濟南 太原 杭州 南昌 瀘州  
潮州 常德 敘州

※翻印必究※

# 中國歷史教科書序

歷史之學其文不繁其事不散其義不隘而後足以爲教科三者一不備焉皆無

當也夫幼童而守一藝白首而後能言此漢志言治經之弊也而自來治史之弊

固類於是爲此學者以是之故往往其業不就南朝時有周朗者上書宋世祖言

國學宜定子史令書不煩行習無糜力詳宋書八十  
二朗本傳蓋有見於此其言善矣使當時

果擬爲之其所規義例不知若何若其浩穰難治之患吾知免矣雖然夫所貴乎

史者豈第以其文之約哉殊遠近別同異日日而次之月月而續之彌歷歲時而

不知其所會此如聚沙然吾手雖勤不可得而搏也往者聖人之作春秋因魯史

之文仍編年之舊而其事固亦散見也聖人慮人之以是爲教也故其言曰屬辭

比事春秋教也其所以示人者如此則聖人欲此散見之事實使之歸於系統孔

思昭然皎如星漢矣此猶治經者之必崇禮也荀子之言曰禮者羣類之綱紀也

不隆禮雖察辨散儒也勸學  
篇文夫治史而不言系統綱紀亡矣吾懼其末世窮年徒

爲散儒而已朱子語類卷一百十七云通鑑事散在編年卻記不得不若先草草看正史一過正史各有傳可見始  
末所以易記按要事之始末編年則散入各處史傳或聚在一處是編年一法不便學者事理易明至

於編爲簡表則有事實而無文義爲檢尋則便爲講授則妨近人徒見朱子欲小兒讀溫公稽古錄不復參考此說故附於此雖然此猶謂其文事之體也若夫史之

爲用則聖人固又言之曰疏通知遠書教也此不第爲書言也史家託始於尙書

史通論史體六家  
其第一曰尚書家

書之爲教卽史之爲教以史教天下卽以疏通知遠教天下世之不

治史者其偷生淺知吾無責焉苟其治之則窮千載察百世規一方營四表其所持以爲消息者皆史之推矣起而視今之史家多塗巷之人也一出焉一入焉尺

寸之間所知盡矣內部之事或有周諮也而外部必懵然前代之事容有通覽也而當代則缺然其於世界之思想無所鑒觀而多所障距一遇事變不爲狂舉以

凶於而國則坐視天下瓦解以去爲括囊之腐儒

荀子非相篇易曰括囊無咎無譽  
腐儒之謂也此周季說易古義

百里日

蹙萬舌無聲憊然若終身之虜而不敢有他志此由於歷史之範圍若渠堰隳括

然造其知識者先未廣也知識全而後國家全歷史全而後知識全完全之歷史

造完全知識之器械也余觀日本所爲東洋諸史庶幾其近之歟桑原鷺藏之書

尤號佳構所謂文不繁事不散義不隘者蓋皆得之今據以爲本更令事義少近

周贍依據或乖亦爲匡救與夫回易數字加足片言俾分布得所彌縫無缺如劉

知幾所云者余皆於此斷斷焉而慮其未能逮也商量邃密姑俟之異日矣謹發

其治史之大端以告學者且以自勉云光緒癸卯孟夏之月丹徒陳慶年

# 中國歷史教科書目錄

## 上古史

第一篇 周以前

第一章 太古

第三章 夏殷興亡

第二篇 周

第一章 周之勃興與其制度

第三章

漢族與諸外族之關係  
及周時戎狄之跋扈

第五章 自春秋末至戰國初形勢

第七章 秦之勃興

第九章 秦之一統

第二章 堯舜事蹟

第二章 周之盛衰

第四章 春秋諸霸

第六章 諸學說之興起

第八章 合從連衡

## 中古史

第一篇 秦及西漢初葉

中國歷史教科書 目錄

第一章 秦始皇帝政策

第二章 秦之滅亡

第三章 楚漢之爭

第四章 高祖政策

第五章 自惠帝至景帝間之形勢

第六章 武帝之政治

第二篇 西漢經略外國

第一章 南方諸國之內屬

第二章 朝鮮之平定

第三章 與匈奴之和戰

第四章 與西域諸國之交通

第五章 西域及匈奴之臣附

第三篇 西漢末世與東漢初葉

第一章 自武帝至元帝間之形勢

第二章 外戚專權與王莽篡位

第二章 漢室再興與東漢初葉

第四篇 佛教之東漸

第一章 明帝遣使天竺及釋迦以前印度之狀況

第二章 釋迦之出與阿輸迦王時代

第三章 大月氏之勃興與佛教東漸

第四章 東漢與西域諸國關係

第五篇 自東漢末世至西晉之亡

第一章 東漢末運

第二章 東漢之滅亡與羣雄割據

第三章 三國鼎立與晉之一統

第四章 晉室之亂

第六篇 五胡十六國及南北朝

第一章 漢末以來塞外諸族與漢族之關係

第二章 漢之勃興與兩趙之興亡

第三章 東晉盛衰與前燕前秦之興亡

第四章 後魏之興及南北朝

第五章 後魏與塞外諸國之交涉及後魏之盛

第六章 宋齊之興亡

第七章 後魏分裂

第八章 梁陳之更迭

第九章 南朝末路與隋之一統

第七篇 隋及唐初葉

第一章 隋之興衰與羣雄割據

第二章 唐平羣雄

第三章 太宗高宗之治及唐之制度

第八篇 唐之經略外國



第一章 自漢末至隋初朝鮮之形勢

第二章

百濟高句麗之讖定及新羅之叛服

第三章 與日本之交通

第四章

突厥勃興以前西域諸國之形勢

第五章 突厥之征定

第六章

吐蕃印度形勢及與唐之關係

第七章

唐與中央亞細亞之關係及大食之興波斯之亡

第八章

唐管轄屬地法

第九章 唐代東西互市

第十章

諸外教之東漸與佛教隆盛

第九篇 唐之中葉及末世

第一章 武韋兩氏之亂

第二章

元宗政治

第三章 安祿山之亂

第四章

唐中葉以後塞外諸國

第五章 藩鎮跋扈

第六章

宦者跋扈

第七章 唐之亡與羣雄割據

近古史

第一篇 五代北宋及契丹

第一章 五代之形勢

第二章

契丹之興

第三章 北宋之一統

第四章 高麗之興起及遼之極盛

第五章 遼西夏之叛服

第六章 神宗行新法

第七章 神宗用兵外征

第八章 邪正分黨之爭

第二篇 南宋及金

第一章 女眞之興及宋約金滅遼

第二章 宋金交戰及宋之南渡

第三章 金與南宋之戰

第四章 南宋與金之和議

第五章 金亮南侵及孝宗與金和戰

第六章 韓侂胄擅國開釁

第七章 金好之絕及宋之亡策

第三篇 蒙古

第一章 蒙古之興

第二章 蒙古西征前中亞形勢

第三章 成吉思汗遠征

第四章 西夏及金之亡與拔都西征

第五章 蒙古經略南方及旭烈兀西征

第六章 世祖卽位與南宋之亡

第七章 元初時蒙古形勢

第四篇 元及明初

第一章 世祖之內治外征

第二章 海都汗之叛亂

第三章 元之衰微

第四章 元之亡與明之興

第五章 明初外征內治

第五篇 元末明初塞外形勢

第一章

察合臺伊兒兩汗國之亡與帖木兒之興

第二章

欽察汗之盛衰與帖木兒兼併

第三章 瓦剌之極盛與土木之變

第六篇 明中葉及末世

第一章 宦者專橫

第二章 宸濠之變及大禮之議

第三章 西南諸蕃之擾攘

第四章 明與韃靼關係

第五章 沿海倭寇之亂

第六章 朝鮮之役

第七章 東林黨議

第八章 閹宦亂政之禍

第九章 流寇亡明

# 中國歷史教科書

## 卷一 上古史

### 第一篇 周以前

#### 第一章 太古

漢族於上古最遠之時。次第自西北方而移入中國內地。是等之民。約在五千餘年前。已繁殖於黃河沿岸。分無數部落。司牧之長。聰明有大小。推戴有衆寡。彼此勢均。或以力敵。侵陵吞噬。莫能相治。久之乃有威德尤盛者。出乎其類。四出征討。以覆羣酋。而仰其澤者。亦相率而歸於一君。然後主權乃統於一尊。

太古時有燧人氏。始創火食。伏羲氏都陳。河南陳州府治始畫八卦。又結網罟。教佃漁畜牧。神農氏出。

起於烈山。湖北德安府隨州北教稼穡。立市廛。後世稱曰三皇。

其後黃帝出。國於有熊。即新鄭有英資大略。欲統一天下。數征四方諸侯。以啟封疆。披山通道。未嘗甯居。遷徙往來。以師兵爲營衛。東至海。西至崆峒。南至江。北逐葷粥。合符釜山。而邑於涿鹿。

之阿。崆峒山今甘肅肅州高臺縣西南葷粥即匈奴今蒙古乃建立一大帝國。是爲中國一統。

之阿。釜山今直隸宣化府保安州西南葷粥即匈奴今蒙古乃建立一大帝國。是爲中國一統。

政治之始基。

帝之時。又創舟車。營宮室。造文字。改歷數。定官制。制衣冠。其他文物制度。亦多發端。於是時。黃帝之後。有顓頊。帝嚳。帝堯。帝舜。世並黃帝稱曰五帝。

### 第一章 堯舜事蹟

帝堯者。帝嚳之子也。即位都平陽。山西平陽府臨汾縣命羲和治歷象。羲仲居嵎夷。理東作。以殷仲春。羲

叔居南交。理南譌。以正夏至。和仲居西。理西成。以殷仲秋。和叔居朔方。理朔易。以正冬至。或謂夷

今朝鮮地南交今安南西凡流沙以西皆是朔方或謂今大漠以北積一朞爲三百六旬有六日。而天有餘度。歲有餘日。於是又

置閏法。後世歷法多祖之。

堯在位七十載。以子丹朱嚳訟。不可授。故登庸虞舜。使攝政。舜舉十六相。和五典。敍百揆。又流四凶族。投諸四裔。於是四門穆穆。而無凶人。舜以有大功二十。堯崩而天下如一。同心戴舜。以爲天子。

帝舜受禪。都蒲阪。山西蒲州任賢使能。使禹宅百揆。統庶政。棄爲后稷。播百穀。契爲司徒。敷五教。皋陶作士。明五刑。垂作共工。主工師。益作虞。治山澤。伯夷作秩宗。典三禮。夔典樂。教胄子。龍作納

言。出納帝命。此當時中央政府之官制也。帝都以外。則置岳於四方。牧於十二州。岳與牧爲天下諸侯長。每歲率部下諸侯。朝覲帝都。天子則五歲一巡狩。以觀民風。舜死。太子商均不肖。諸侯不服。於是禹代卽位。

### 第二章 夏殷興亡

夏王禹。鯀之子也。堯舜之際。有洪水。鯀治之。無功殛死。禹續父業。通道決川。使北條之水。入於河濟。南條之水。入於江淮。人得平土以居。乃畫九州。創貢賦之制。遂代舜攝政。後爲諸侯所推。卽天子位。都安邑。山西省解州夏縣北禹以治水有大功。天下服其德。及死。以其子啟賢。能敬承繼禹之道。推爲天子。君主世襲。實基於是。啟孫相初立。有窮后羿者。逼帝遷商丘。河南省歸德府商邱縣羿代夏政。凡八歲。而爲其臣寒浞所弑。相子少康。收夏衆。招遺臣靡。誅浞。於是少康中興。復禹之績。後十一世至履癸。是爲桀。暴虐無道。商王湯因其失民心。滅之。自禹卽位至是。凡四百三十九年。夏亡。

商王湯。帝舜司徒契之後也。天錫勇智。欲王天下。任伊尹。內撫百姓。以收人心。外征四方。以服諸侯。遂代夏桀爲天子。都亳。河南省歸德府治後十數傳。至盤庚。以河患遷都殷。河南省河南府偃師縣改國號

曰殷。三傳至武丁。相傳說伐鬼方。或謂即漢先零羌今西甯府西湟水南岸殷道復興。是爲高宗。五傳至武乙。遷朝歌。河南衛輝府淇縣又三傳至帝辛。號曰紂。暴虐無道。微子、箕子、比干等諫不聽。周武乘其失民心。滅之。自殷王天下。凡六百四十四年而亡。

## 第二篇 周

### 第一章 周之勃興及其制度

周之先曰棄。帝舜時爲后稷。子孫世其業。及夏之衰。棄稷不務。不窋失官。自竄西戎之間。至古公亶父。以獯鬻來侵。自邠徙國於岐。邠陝西省邠州岐鳳翔府岐山縣號曰周。民皆歌樂頌其德。其孫文王昌。

施仁政。日中不暇食。以待士。太顛、閔天、散宜生之徒。皆往歸焉。伯夷、呂望、避紂居海濱。聞文王善養老。亦歸之。紂命爲西伯。得專征伐。降崇。因作豐邑。崇國在陝西西安府郿縣豐縣水上之地也徙都之。周德

日盛。西土咸服。化行江漢。三分天下有其二。以服事殷。子發嗣爲西伯。以紂暴益甚。東至孟津。河南懷慶府孟縣南大會諸侯。來者八百國。率以伐殷。師於牧野。殷都南郊遂滅殷。代之。統一天下。是爲武王。

於是大封諸侯於天下。功臣同姓。以次畢封。作王室屏藩焉。

武王克殷。未幾而崩。子成王誦幼。周公旦召公奭輔之。周公有文武才。攝國政。靖殷遺民之亂。

征東夷。致太平。又制禮作樂。一代典章悉備。是實中國歷代禮法之本源也。故略述之。

第一封建 中國之封建。自夏殷之際。其制漸備。周公鑑前代之制。分天下諸侯爲公、侯、伯、子、男、五等。公侯之封。地方百里。爲大國。伯之封。地方七十里。爲次國。子男之封。地方五十里。爲小國。其封地不能五十里者。不合於天子。附於諸侯。曰附庸。又當時分天下爲九州。其中一州。方千里。爲王畿。餘八州。以封諸侯。每州置大國三十。次國六十。小國百二十。凡二百一十國。而王畿之內。天子自封其臣。有大國九。次國二十一。小國六十三。凡九十三國。故周初天下諸侯之數。都千七百七十三國云。至春秋戰國。諸侯競相攻擊。如仇讎。弱小莫能自保。而大國所治。或逾千里。自秦滅六國。罷侯置守。天下皆爲郡縣。於是封建之制全廢。

第二官制 夏殷二代。官制不能悉詳。至周內外官制大備。立太師、太傅、太保。曰三公。少師、少傅、少保。曰三孤。皆與天子論道之官。不預實際之國治。其於中央政府。設天、地、春、夏、秋、冬、六官。體國經野。分職而治。六官之長曰卿。其下有大夫、士、等。屬官六十。故周代總官。號曰三百六十。其職掌如左。

## 官長

## 職掌



天官大冢宰

掌邦治統百官均四海

地官大司徒

掌邦教敷五典擾兆民

春官大宗伯

掌邦禮治神人和上下

夏官大司馬

掌邦政統六師平邦國

秋官大司寇

掌邦禁詰姦慝刑暴亂

冬官大司空

掌邦事居四民生百物

王畿以外之地。五國爲屬。屬有長。十國爲連。連有帥。三十國爲卒。卒有正。二百十國爲州。州有伯。天下共九州。自王畿外有八伯。八伯各率其屬。以分隸周召二公。自陝以東。周公主之。自陝以西。召公主之。陝今南陝州河

第三田制及徵稅。夏以前。田制徵稅不詳。禹平洪水。始定田制。一夫授田五十畝。每夫計其五畝之入。納於朝廷。名曰貢法。商人始爲井田之制。以六百三十畝爲一井。畫爲九區。區七十畝。中爲公田。其外八家各授一區。但借其力以助耕公田。而不復稅其私田。名曰助法。至周時。一夫授田百畝。年二十而受田。至六十而還田。其徵稅之制。則夏殷二法通行。郊門之內。鄉遂